



Na osnovu člana 54. Zakona o izvršavanju Budžeta Unsko-sanskog kantona za 2023. godinu („Službeni glasnik Unsko-sanskog kantona“, broj: 6/23 i 11/23), Odluke o namjeni korištenja sredstava prikupljenih po osnovu dodjele koncesije broj: 03-017-606/2019 od 27.06.2019. godine i Odluke o kriterijima raspodjele sredstava iz Budžeta Unsko-sanskog kantona za 2023. godinu na razdjelu Ministarstva privrede sa pozicije Kapitalni grantovi drugim nivoima vlasti i fondovima – namjenska sredstva koncesije broj: 03-02-2190-1160/2023 od 23.11.2023. godine, Ministarstvo privrede objavljuje:

## JAVNI POZIV

### *„Podrška gradovima/općinama Unsko-sanskog kantona za finansiranje/sufinansiranje projekta iz Budžeta Ministarstva privrede-Kapitalni grantovi“*

#### I PREDMET JAVNOG POZIVA

Predmet Javnog poziva je prikupljanje prijava za odabir korisnika sredstava iz Budžeta Unsko-sanskog kantona za 2023. godinu na razdjelu Ministarstva privrede – Kapitalni grantovi drugim nivoima vlasti i fondovima – namjenska sredstva koncesije.

#### II PRAVO UČEŠĆA

Pravo učešća imaju gradovi/općine Unsko-sanskog kantona za finansiranje/sufinansiranje projekta od značaja za gradove/općine s namjenom definisanom u tački III Javnog poziva.

#### III NAMJENA UTROŠKA SREDSTAVA I ROK ZA IMPLEMENTACIJU

Sredstva su namjenjena su za finansiranje/sufinansiranje projekta:

- izrada projektne dokumentacije za izgradnju infrastrukture (građevinski projekti, geološka i geomehanička ispitivanja...),
- izgradnja infrastrukture (putevi, mostovi, zaštitini i potporni zidovi...),
- izrada projektne dokumentacije za sanaciju devastiranih prostora i klizišta usljed vremenskih nepogoda,
- saniranje posljedica vremenskih nepogoda po izrađenoj projektnoj dokumentaciji i
- otklanjanje štetnih posljedica eksploatacije prirodnih resursa, prirodnih nepogoda i katastrofa.

Rok za implementaciju projekta po potpisanom Ugovoru za korisnike sredstava je **maksimalno 12 mjeseci od dana potpisivanja Ugovora**

Svako korištenje odobrenih sredstava suprotno namjenama smatrat će se nenamjenskim utroškom.

#### IV PRIJAVA PO JAVNOM POZIVU

Podnosilac prijave prilikom prijave na Javni poziv obavezno dostavlja sljedeću dokumentaciju:

- Prijavni obrazac (Prilog I), koji se preuzima direktno sa web stranice Vlade Kantona [www.vladausk.ba](http://www.vladausk.ba) (popunjen, potpisan i ovjeren od strane podnosioca prijave);
- Izjava o realizaciji projekta (Prilog II), koji se preuzima direktno sa web stranice Vlade Kantona [www.vladausk.ba](http://www.vladausk.ba) (popunjena, potpisana i ovjerena od strane podnosioca prijave);
- Ugovor sklopljen sa izvođačem radova za one projekte kojima se aplicira na Javni poziv, a kod kojih je okončan postupak javnih nabavki (dostavljaju samo gradovi/općine kod koji je implementacija predloženog projekta došla do faze zaključenja predmetnog ugovora nakon provedenog postupka javne nabavke);
- Ako postoji partner na projektu dostaviti dokaz o visini sredstava sa kojima će isti sufinancirati projekat (sporazum o saradnji ili ugovor ili izjavu). Izjava se dostavlja u originalu (potpisana i ovjerena od strane podnosioca prijave) i datum izjave ne smije biti stariji od 3 mjeseca od dana objave Javnog poziva. Sporazum ili Ugovor se dostavlja u originalu ili ovjerenoj kopiji i datum ovjere ugovora ili sporazuma ne smije biti stariji od 3 mjeseca od dana objave Javnog poziva;

- e) Kopija dokumenta iz kojeg je vidljiv broj transakcijskog računa na koji će se sredstva doznačiti (ugovor ili karton deponovanih potpisa ili potvrda banke).

**Prijave će biti odbačene kao nepotpune i neće biti predmet daljeg razmatranja ako ne sadrže kompletnu dokumentaciju koja se traži Javnim pozivom.**

Neće se uzeti u razmatranje prijave gradova/općina koje su neblagovremene (dostavljene nakon isteka roka određenog Javnim pozivom) i čiji projekti nisu u skladu sa namjenom definisani tačkom III Javnog poziva.

**V OBRADA PRIJAVA I IZBOR KORISNIKA**

Za obradu prijava po Javnom pozivu za podnošenje prijava za finansiranje/sufinansiranje projekata iz Budžeta Unsko-sanskog kantona za 2023. godinu na razdjelu Ministarstva privrede sa pozicije Kapitalni grantovi drugim nivoima vlasti i fondovima – namjenska sredstva koncesije Ministrica Ministarstva privrede (u daljem tekstu: Ministrica) Rješenjem imenuje Komisiju.

Komisija iz stava 1. ovog člana vrši analizu ispunjenosti formalno-pravnih uslova dostavljenih prijava u skladu sa ovom Odlukom i Javnim pozivom. U Izvještaju o provedenom postupku po Javnom pozivu koji se dostavlja Ministrici putem protokola Ministarstva navodi se:

- a) lista Projektnih prijedloga gradova/općina Kantona koji ispunjavaju formalno-pravne uslove i
- b) listu podnosilaca prijava čije su prijave neblagovremene, nepotpune i neosnovane.

Nakon dostavljenog Izvještaja Komisije, Ministrica utvrđuje konačnu listu uspješnih projekata za sufinansiranje/finansiranje i dostavlja Vladi Kantona prijedlog Odluke o usvajanju Programa utroška sredstava Budžeta Unsko-sanskog kantona za 2023. godinu na razdjelu Ministarstva privrede sa pozicije Kapitalni grantovi drugim nivoima vlasti i fondovima – namjenska sredstva koncesije, na donošenje.

Prijave dostavljene nakon isteka roka određenog Javnim pozivom gradovima/općinama Kantona vraćaju se neotvorene.

Podnosioci prijava čije su prijave nepotpune, neosnovane i čije prijave ne uđu u dalju proceduru, biće o tome pisanim putem obaviješteni.

Protiv obavijesti gradovi/općine mogu podnijeti prigovor ovom Ministarstvu u roku od 3 dana od dana prijema iste. O prigovoru odlučuje Ministrica. Odluka o prigovoru je konačna.

Po donošenju Odluke o usvajanju Programa utroška sredstava Budžeta Unsko-sanskog kantona za 2023. godinu na razdjelu Ministarstva privrede sa pozicije Kapitalni grantovi drugim nivoima vlasti i fondovima – namjenska sredstva koncesije, Ministrica sa odabranim korisnicima zaključuje Ugovore o dodjeli sredstva, kojim se reguliše međusobna prava i obaveze.

**VI NAČIN DOSTAVLJANJA PRIJAVA**

Prijave sa potrebnom dokumentacijom dostavljaju se neposredno na protokol Vlade Kantona ili putem pošte, na adresu:

**Ministarstvo privrede Unsko-sanskog kantona, Ul. Alije Đerzeleza br.2, 77 000 Bihac,  
s naznakom na koverti –**

***Prijava po Javnom pozivu***

***„Podrška gradovima/općinama Kantona za finansiranje/sufinansiranje projekta iz Budžeta  
Ministarstva privrede-Kapitalni grantovi“***

***„NE OTVARAJ“***

Rok za podnošenje prijava je 15 (petnaest) dana od dana objave Javnog poziva.

Neblagovremene prijave koje su dostavljene nakon isteka roka određenog Javnim pozivom neće se uzeti u razmatranje.

## VII IZVJEŠTAJ O UTROŠKU SREDSTAVA

Korisnici sredstava su dužni pravdati utrošak dodijeljenih sredstava Ministarstva predviđenih za realizaciju projekta.

Za sva neopravdana sredstva, Ministarstvo će pokrenuti proceduru povrata i to u iznosu koji je proporcionalan učešću sredstava Ministarstva u ukupnoj vrijednosti projekta.

Rok za dostavu izvještaja o utrošku finansijskih sredstava je **najkasnije 15 dana od dana isteka roka za** implementaciju projekta.

Odlukom o kriterijima raspodjele sredstava iz Budžeta Unsko-sanskog kantona za 2023. godinu na razdjelu Ministarstva privrede sa pozicije Kapitalni grantovi drugim nivoima vlasti i fondovima – namjenska sredstva koncesije, detaljno je definisana dokumentacija kojom se pravda namjenski utrošak sredstava, a ista će se regulisati i Ugovorom o dodjeli sredstava.

Ministarstvo zadržava pravo traženja i dodatne dokumentacije i pojašnjenja kod provjere namjenskog utroška sredstava (pismenim i usmenim putem).

Ukoliko Korisnik sredstava ne dostavi Izvještaj o utrošku sredstava ili nenamjenski utroši sredstva, Ministarstvo pokreće zakonom propisan postupak za povrat finansijskih sredstava.

Sve dodatne informacije vezane za Javni poziv mogu se dobiti putem telefona: 037/316-038 ili na e-mail: [privreda@vladausk.ba](mailto:privreda@vladausk.ba).



MINISTRICA  
Samra Mehić, scr.